

欽定剿平粵匪方略

欽定勦平粵匪方略卷七十一 癸丑年

十二月初一日

辛未

張亮基奏言查逆匪羅福輝

海屢經大兵攻勦勢已窮蹙度其奔竄之路武
屬各縣逆鋒偏近且海灘散漫處處皆可闖入
德州雖係水陸通衢距靜海稍遠由靜海至德
州非於直隸境內轉折數州縣不能徑達此兩
路既有藩臬兩司及將軍瑞昌分統兵勇扼要

駐防似足以備守禦省城僅留兵五百餘名非
急募壯勇數千由臣在省親督訓練使之驩知
紀律則制勝之策一無把握臣由德州暫行回
省以冀居中調度茲蒙

垂廬德州衙要

諭令親往督防遵於十一月二十四日自省起程馳赴
德州扼要駐防並將各屬募送到省壯勇統帶

赴德隨營訓練以資守備仍遵

諭旨確探何處事機緊要卽親往何處策應亦不敢拘
守德州致滋貽誤奏入

上諭曰汝非無才亦非不能振作者但能刻刻奮發自
有展布之日勉之勉之

初二日 壬申 琦善陳金綬奏言上月二十四日

興阿督率滿漢官兵由東石人頭地方進剿適

遇賊匪二千餘名分爲三股直撲我隊德興阿亦分三路衝擊斃賊三百餘名總兵瞿騰龍帶兵過河至運河西岸擊賊該逆隔水爲營經瞿騰龍設法繞擊殲賊多名詎意瓜州賊匪於是日子刻由運河東岸潛渡揚子橋抄襲該處鄉勇紮營揚子橋之北另在揚子橋附近廟內屯紮賊匪將廟圍住而鄉勇尙在睡夢之中被賊

殺害及擄去者數十名維時參將師長鎮等馳往救援晉康查文經亦各帶兵勇攻勦賊始敗退仍由揚子橋過河當經馮景尼添勇防守申刻賊復繞赴揚子橋下游渡河而北揚子橋營中之勇未戰先潰大礮器械盡以資賊旋准晉康咨稱賊匪分股撲施家橋張翊國帶隊逃走該處已被賊占臣琦善聞信之餘不勝灼焦遂

於二十五日黎明偕臣陳金綬率總兵瞿騰龍
挑選各營精銳由三汊河渡至運河東岸該逆
羣出抗拒經官兵痛加勦洗殺賊一千數百餘
名是日東石人頭之賊亦經德興阿等擊敗殲
斃三百餘名當此攻截喫緊之際各勇紛紛潰
散並有潰勇千餘人執持器械沿途乘間搶掠
深爲可恨參將馮景尼所轄之勇潰散多名實

難辭咎應請

旨將該參將卽行革職仍留營效力以觀後效職員張
翊國專司防守施家橋勇數有一千數百名之
多是否臨敵逃去應請斥革訊明辦理

同日雷以誠奏言自賊匪攻破儀徵進攻樸樹
灣由西岸上衝三汊河瓜州之賊遂向東北沿
東岸上衝直達桂花莊勢甚颯張臣與琦善陳

金綬慧成彼此相商若非三面會勦難以遏其
衝突定期於十一月二十四日黎明進攻當由
臣飭張翊國督率各勇目並派千總孫得富帶
勇一千八百名由施家橋分三路進攻詎料該
賊衆於五鼓時分隊往北路潛襲馮景尼之營
及張翊國帶勇進攻桂花莊土城東路其時南
路之勇先到奮力攻擊兩土城登時並破張翊

國大隊直趨北路錢礮齊施斃賊無數我勇正
向東南追勦不意大股賊匪七八千人由北路
冒煙衝出前後夾攻另有大股賊匪分隊由南
小路抄出各勇之後徑撲施家橋四面裹合守
營之勇力不能支陣亡過半賊遂闖營放火張
翊國正在奮力衝擊見營盤火起乘空抽身殺
出身中二槍孫得富身中火銃一處矛傷二處

率勇回救亦已無及遂趕赴霍家橋地方紮住
嚴守查張翊國督率各勇目會剿連破賊城二
座不意爲北路之賊前後夾攻致聲勢隔斷被
賊抄襲營盤咎無可辭應將該職員張翊國摘
去頂戴以示懲儆臣調度無方亦難辭咎伏乞
皇上將臣交部議處均奏入

上命軍機大臣傳諭琦善陳金綬雷以誠慧成曰琦善

統領全軍攻勦揚州賊匪自春及冬擁兵觀望坐令
四出衝突近復攻陷儀徵每隔旬餘輒以小有斬擒
勝仗奏報塞責相持累月餉竭兵疲是誰之咎耶鄉
勇本係烏合之衆與兵丁有閒全在該大臣等申明
紀律用其銳氣以助兵力之不逮乃任令日久玩生
紛紛潰散尙有何顏據以入告甚至賊衆掩至而鄉
勇尙在睡夢之中尤出情理之外卽各營鎮將員弁

無論何人保奏何人管轄統歸琦善節制何平日漫
無稽察直待事機已誤始以諉過之辭奏請查辦前
經疊降嚴旨並硃諭斥責該大臣置若罔聞不克早
圖收復至此情形支絀罪將焉歸著該大臣迅速通
籌分別堵截斷賊援應其在營各勇尤須加意撫綏
激勵勿令效尤潰散流而爲匪參將馮景尼所轄之
勇潰逃多名該員不能約束罪無可辭著卽革職仍

留營效力以觀後效又據奏晉康咨稱賊匪分股撲
施家橋時職員張翊國帶隊逃走本日復據雷以誠
奏張翊國帶勇進攻桂花莊土城東路因南路之勇
先到將兩土城攻破張翊國大隊北趨正在奮力衝
擊因見營盤火起抽身殺出身中二槍與晉康所咨
不符張翊國著先行革職交琦善等確切訊明有無
逃避情事再行據實會奏

琦善又奏言正具奏閒慧成遣外委陳彥魁等
來營面稱賊由揚子橋北竄東路鄉勇全行潰
散晉康現在灣頭聞賊匪至陳家巷營盤全被
占踞又稱賊已至三里橋將偪灣頭慧成處僅
有兵丁一百餘名查東路募勇踰萬口糧充足
不知何以任令全行潰散現在雷以誠所守之
施家橋已被賊匪占踞萬福橋未得確信慧成

在灣頭業已上船際此危急之時均已置軍務於不問臣防勦西南北三面正在盡力堵禦提臣陳金綬亦在南路防堵惟有飛速知會陳金綬前來商籌杜賊北竄之法奏入

上諭曰此時豈可還分彼此總以禦賊北竄爲最要之急著大局爲重無顧其他

同日慧成奏言逆匪竄至揚子橋經官兵擊退

後愈聚愈多逐處放火衝突屢敗不退其城內
之賊亦分門出撲使我兵腹背受敵又三汊河
賊船鱗次必將水陸夾攻長驅北竄臣現紮揚
城東路爲清淮要隘原可設法堵截惟存營兵
僅數百名斷不能禦數萬之賊設邵伯灣頭有
失勢必由南而北直竄清淮向守缺口東關等
處均係參將馮景尼所帶鄉勇昨已陸續潰散

城上逆匪目擊東面各營撤退正遂其北竄之心實屬異常危急查臣紮營東路總以扼賊北竄爲第一要著現將陳家巷等處之宣化熱河兵勇一千餘名調赴東路一帶分紮竭力堵禦仍隨時咨會琦善雷以誠協力堵剿奏入

上諭曰此皆因以前畛域太分致貽崩解之患汝係滿洲大員竭力爲之成敗非是時所能計及也

同日舒興阿奏言上月二十一日臣至潁州府探知江忠源已由六安前赴廬州又聞該撫將賊匪擊敗竄往廬江一帶臣卽於二十三日由水路取道潁上縣正陽關壽州卽由壽州陸路馳赴廬州與江忠源會商攻剿

同日福濟奏言皖省逆賊鷗張土匪蠭起非厚集兵力不足以振軍威臣除調紫平橋蔣壩山

聞

東兵及淮安城守營兵共八百名又飛調漕標
兵四百名並在清江募選壯勇一千名統計二
千餘名庶可以資攻剿惟兵勇散處各方調募
需時且須修理帳房器械購領火藥鉛丸更非
奔逐道途所能備辦臣擬暫住清江浦趕緊料
理一俟蠶完卽當馳赴廬鳳各郡均奏入報

同日青麐奏言 臣前蒙

恩旨准 臣暫駐德安籌防又

命會同河南撫 臣英桂安徽撫 臣江忠源臬司唐樹義

等扼守江北一帶 臣接臬司唐樹義咨稱黃州

已獲勝仗因該處居民遷徙淨盡所帶兵勇療

飢乏策是以將兵撤回進省又准督 臣吳文鎔

咨覆略永忠業已帶兵赴省賊匪尙在黃州一

帶省垣防守綦重現在兵勇僅敷分撥一俟稍
有餘兵卽將德安營之兵撤回歸伍各等情查
湖北十府一州除武昌一府在江以南其餘均
在江北地方旣屬遼闊人心亦復散渙且聞得
荊州將軍之兵亦被省中調去是江北一帶直
無一兵儘有疏虞孰當其咎應請

旨飭令督撫妥籌辦理庶可於事有濟再督臣吳文鎔

久任封圻現在省垣精兵將及二萬豈可令其
置身事外臣斷不敢稍存推卸仍一面駐守德
安與知府易容之等設法募勇勸捐竭力防範
並不時將緊要情形咨會陝甘督臣舒興阿河
南撫臣英桂俾知防守臣亦得相機商辦一俟
賊匪出境德安再行撤防奏入

上命軍機大臣傳諭吳文鎔崇綸曰現在逆匪竄踞黃

州一帶該處爲皖豫要衝關繫江北大局若非併力
迎擊何以遏賊北竄之衝武昌存城官兵計已將及
二萬乃吳文鎔等擁兵株守置通省全局天下大局
於不問臬司唐樹義前因退敗遁回省城已不可解
而派援黃州之副將駱永忠又復帶兵回省吳文鎔
所謂調度者何在且兩旬以來並未據該督等將緊
要軍情隨時入告著吳文鎔懍遵前旨迅卽督兵出

省迎賊所向奮力進攻斷不准再事遷延致干重罪
其省城防勦仍著崇綸妥籌布置亦不得藉詞諉卸

初三日癸酉和春袁甲三奏言臣和春於十一月

二十六日行抵宿州與臣袁甲三悉心通籌查
臨淮爲南北要隘無論廬州江揚之賊何股北
竄皆當其衝必須兵力厚集方有把握惟廬州
萬分喫緊連日探聞廬州之賊雖疊經江忠源

擊退旋復圍攻必當急援廬州現存兵勇萬不
能合併專駐臨淮祇得將駐守固鎮之兵七百
餘名移赴臨淮並臣袁甲三前派赴懷遠勦匪
之山東兵三百名全行撤歸臨淮派令參將劉
玉豹管帶妥爲布置臣和春亦親到臨淮查看
地勢卽帶領密雲熱河等處官兵直趨廬州該
逆於廬郡被創後難保不由六潁一路竄豫英

霍一路竄楚潁州府爲皖豫楚交界適中之地
必須有重臣駐紮隨時策應聞舒興阿帶兵四
千名已抵壽州擬請

令舒興阿酌帶兵一千名折回潁州防賊西竄楚豫
其餘三千名分交臣和春及江忠源調遣以資
攻剿至前駐徐州之密雲熱河官兵旣經分撥
赴廬則徐州亦屬空虛該處爲南北衝要臣袁

甲三欲徑赴徐州則臨淮備有緩急又恐鞭長莫及擬暫駐宿州以爲臨淮後應奏入

上命軍機大臣傳諭和春袁甲三曰賊匪攻撲廬州情形甚爲緊要和春自當趕緊赴援現在舒興阿所帶官兵業經到齊卽著和春飛咨該督撥兵三千名以資攻勦並知照該督卽於潁州一帶扼要駐紮嚴防逆匪分竄豫楚之路與和春袁甲三互相策應參將

劉玉豹扼守臨淮其餘宿一帶袁甲三必須擇要駐紮以爲臨淮後應熱河等處官兵已由和春帶赴廬郡著卽知照琦善此項官兵毋庸調赴揚州

同日

上命軍機大臣傳諭琦善陳金綬雷以誠慧成曰琦善屢報賊勢窮蹙已極乃並不迅圖克復且與雷以誠慧成等各懷意見坐失事機實堪痛恨揚州東北一

路爲高郵寶應及淮安要道施家橋已被賊踞邵伯
灣頭一帶最關緊要該大臣旣知東路勇不足恃自
當迅派得力提鎮大員帶兵馳往扼要堵擊若陳金
綬之兵與琦善同在西北一路但知擁兵自衛竟置
東北於不顧該處勇多兵少設使勇盡潰散賊從此
路北竄琦善豈能譖罪著陳金綬迅速統帶官兵直
趨揚州東北擇要駐紮與慧成雷以誠等合力截剿

堵賊北竄陳金綬係幫辦大員自到揚州以來未見
著有戰功此時東路緊要該提督若再不知奮勉國
法具在豈能再從寬宥耶

上又命軍機大臣傳諭王履謙長臻楊以增曰賊踞揚
城久未克復現在逆衆救援屬至勢甚猖獗恐其由
揚州東北一帶乘機紛竄清江浦爲淮揚後路此時
更應嚴密堵截著楊以增扼要嚴防知縣吳棠聞其

團練壯勇甚得民心若飭令帶勇擊賊定當得力至
黃河爲南北天險著王履謙長臻實力稽查將各處
隘口船隻概行收集並著楊以增於黃河漫口上下
游嚴防奸匪竄逸毋得互相推諉致滋貽誤

上又命軍機大臣傳諭張亮基曰揚州東路鄉勇潰散
邵伯灣頭萬分喫緊山東與淮徐接壤自應嚴密設
防惟獨流逆匪未平南北兩路均關緊要張亮基現

赴德州恐未能兼顧南路應如何選將撥兵於山東
江南交界各要隘嚴防賊匪竄入之路著卽迅籌布
置據實馳奏並督飭沿河員弁實力巡查各口岸毋
令賊匪偷渡

初四日甲戌勝保奏言近因逆匪勢窮圖竄卽於

距賊壘里許之杜家嘴地方相度地勢趕築礮
臺以便晝夜攻擊該逆日於壘邊暗伏窺伺上

月二十八九兩夜該逆屢次搶撲臣終夜嚴兵以待聞營不准舉火使賊不知虛實俟其撲近土牆卽於黑暗中用槍礮連環轟擊又密派馬隊抄襲於外傷斃甚多初一日復列陣而出逆匪時出三五百人往來奔突旋卽大股擁至齊拋火彈直至新築礮臺腳下舍命很撲幸天津固原西甯河州宣化及健銳火器營兵俱能膽

壯氣定列於礮臺上下一齊開放連環槍礮打死賊匪不計其數而該逆仍復死命相持臣等催令至營多取火把張鎧以壯聲勢並飭吉林黑龍江及蒙古馬隊同由南面抄擊該逆始敗退回巢統計連日傷死逆賊約及五六百名我兵一無受傷此番移營逼近賊巢營壘相峙僅隔里許深居險地刻刻寇敵當前彼之木城日

久益堅我之士牆新築未固防範頗難非久經
戰陣之兵膽氣益壯者斷難駐守臣已分撥兵
丁嚴密堵禦一二日礮臺築就居高臨下極力
攻擊逆匪定益膽寒以便設法剿滅

勝保又奏言查第六府地方爲獨流西北要路
現在伊勒東阿帶兵六百名在彼堵禦臣復派
左右兩翼兵丁二百名前往晝夜會哨巡防然

每念及兵力尙單時刻懸心而臣大營官兵日夜與賊攻戰又無可分撥僧格林沁現駐王慶坨作爲北路聲援自係緊要之區臣愚見以爲第六府若有重防則王慶坨即可無虞應否仰懇

飭下該大臣前往相度情形斟酌移兵進駐則聲勢更壯並可與臣就近和衷會商同籌剿賊奏入

上命軍機大臣傳諭勝保德勒克色楞曰逆匪占踞獨
流靜海已踰兩月此股一日不除畿輔一日不安況
揚州賊援屬至現已全股竄赴瓜州設使大股北竄
則淮徐山東一帶更將滋蔓難圖該大臣等務當趁
此賊勢窮蹙之時趕緊進攻另片奏請飭僧格林沁
移兵進紮第六府本日已諭令僧格林沁酌度情形
剋卽移營前進會同勝保相機夾攻該大臣與僧格

林沁共辦一事務須合力同心剋期進剿迅殄醜類
又命軍機大臣傳諭僧格林沁曰勝保奏稱第六府
地方爲獨流西北要路若有重兵防守聲勢更壯著
僧格林沁相度情形移兵前進與勝保併力攻剿以
期一鼓殲除斷不可令賊匪竄逸本日據琦善等奏
揚州賊匪全股由東路竄赴瓜州揚城雖已收復而
匪黨仍復肆擾若不將畿疆趕緊廓清致逆匪北竄

勾結勦辦更難得手僧格林沁與勝保務當同心合力迅速奏功該大臣忠勇素著必能統籌全局用副委任

同日琦善陳金綬奏言臣琦善於上月二十六日與臣陳金綬面商擬囑臣陳金綬酌帶官兵遏賊北竄清江之路又慮邵伯鎮以上數百里中河湖相連無地可以駐兵正在籌議間而瓜

州賊匪已由東路各門進城三更以後見城中
火光四起遠聞鈔關門一帶人聲沸騰揣知賊
匪因被圍已久急思出竄二十七日天色甫曙
督令官兵於西北南三面分隊登城見城內賊
匪實已無多當卽生擒賊匪訊知大股均從東
面竄逸因留臣陳金綬嚴防西北臣琦善親督
官兵四百名馳赴三汊河督同瞿騰龍德興阿

帶領滿漢官兵搭橋過河截擊正見南竄之賊
絡繹不絕因運河之東又阻有汭河數道無從
飛越飭令弁兵施放大礮斃賊多名無如賊匪
愈繞愈遠槍礮力不能及而揚子橋賊營卽以
鄉勇所棄之大礮向我兵轟擊頗有傷亡是以
益難進步遙見賊匪後隊攜帶輜重有騎馬賊
目押隊徐行東路各營竟無一兵一勇尾追令

人憤馳旋見無數黃旗又復回轉恐賊以退爲
進因卽撤隊過河臣琦善馳回西南北三面察
看維時官兵業已進城正在安撫難民忽有鄉
勇多人由東面進城焚掠該勇旣已縱賊尙欲
擾民情節殊爲可惡經臣琦善諭飭如禁止不
遵卽令官兵開放槍礮轟打以懲犷悍現在城
中難民及老弱殘疾陸續出城者不少因天色

已晚仍將城門關閉撥兵看守俟天明後再行
清查辦理此時賊匪大股悉赴瓜州理應相機
進剿惟運河兩岸賊營相望必須探明虛實方
可議攻而三汊河控扼要津一時亦斷難遽撤
況賊匪大股竄出勢必沿江肆擾六合浦口均
係北岸俱應增兵籌防如六合浦口並無警報
卽當收復儀徵進攻瓜州容俟偵探情形斟酌

辦理查晉康查文經均已退至灣頭慧成所帶
之兵均在灣頭屯駐各勇掠民貲財其慘虐甚
於盜賊所有招募管帶練勇之參將馮景尼前
請革職不足蔽辜應請

旨卽行正法五品銜張翊國前經雷以誠派令防守施
家橋是其專責乃竟棄而弗守實屬罪無可逭
應請

旨發往新疆充當苦差不准奏留軍營以肅軍令臣琦
善忝膺節制號令不行惟求

皇上從重治罪至慧成雷以誠同膺重寄晉康查文經
亦有協勦之責如此潰敗失律致賊匪竄入竄
出全由東路貽誤非輕理合據實叅劾恭候

欽定奏入

上命軍機大臣傳諭琦善陳金綬雷以誠慧成曰朕前

謂琦善待賊盡竄收復空城今竟不出所料琦善陳
金綬與雷以誠慧成共辦一事乃始終不能和衷共
濟各分畛域以致賊匪乘閒全股竄逸均難辭罪晉
康查文經現退至灣頭該員等畏葸無能亦可概見
現在賊踞瓜州儀徵兩處江口若不東竄通泰一帶
勢必折回比竄昨有旨令陳金綬帶兵直趨揚州東
北駐紮此時賊已退出揚城自當督兵前進自北而

南扼要堵擊如有賊匪回竄擾及揚州上游必將琦善等盡置重典決不寬宥

上諭內閣曰揚州賊匪窮蹙久思竄逸各路統兵大員宜如何嚴密設防杜其奔突乃因東面勇潰致令瓜州賊匪竄入揚州聯爲一氣棄城逃去實堪痛恨馮景尼帶勇分守揚子橋首先奔潰各勇效尤以致賊匪全股竄出必應從嚴懲辦以伸國法馮景尼著卽

行正法張翊國防守施家橋是其專責乃竟棄而弗
守亦屬罪無可逭張翊國著發往新疆充當苦差雷
以誠慧成與晉康查文經均在揚州東路防剿督率
無方均難辭罪琦善統領全軍不能及早克復揚州
以致賊援麇至鄉勇潰散猶復以賊從東路竄出藉
詞諉罪陳金綬幫辦軍務一籌莫展厥罪惟均琦善
陳金綬雷以誠慧成均著革職晉康查文經著一併

革職帶罪自效仍責令琦善等督率晉康查文經並各營將弁迅將儀徵瓜州逆匪剋日剿除並於江路運河派兵分投堵截儻再不知奮勉致令賊匪紛竄朕惟執法從事決不寬貸

同日江忠源奏言十一月十六日聞該匪攻撲小東門礮臺攜帶雲梯爬城比經守備程智泉督飭廣勇施放火礮轟斃長髮賊六名打傷者

不計其數始各棄梯回巢查該匪初到時大西門所空地道旣經臣督飭駐守該門之湖南舉人鄒漢勛等從內迎掘其大東門一帶護城有河跨河有橋該匪盤踞橋西民房內日夜用槍礮轟擊我兵亦以槍礮回擊該匪勢不能前十七日早據程智泉稟稱該匪因屢次奪橋均被我兵擊退乃潛於橋北水面編搭浮橋偷近城

根開空地地道深廣數丈臣隨卽督飭程智泉親
歷月城察看形勢一面諭飭兵勇限於是夜傍
城紮營橋東截其來路是夜亥刻令程智泉統
帶廣勇二百餘名由月城南穴地而出直攻地
道該匪等從洞口迎頭出窺經外委馮富揮刀
直前斬獲長髮首級一顆兵勇等連擲火罐該
匪踰伏洞中無一出者維時橋西賊匪竄出千

餘人勢甚洶湧程智泉督率廣勇抵死鏖戰一面飭令趕築營盤未及兩時我軍營盤已就兼以城上槍礮如雨該逆敗退斃賊一百數十餘名次日黎明查點洞中燒斃賊匪四十七名合計斃賊二百餘名二十一夜接據已革臬司張印塘呈報十三日會同壽春鎮玉山督率東關兵勇二千名趕緊前進於十七日到廬十八日

開仗連搶賊營三座並奪礮臺正力戰間賊忽
分股由東面抄我後路以致馬隊驚潰兵勇慌
亂玉山陣亡幸已奪回屍身查驗頭面身腰共
受槍傷十七處革司隨復收集殘兵令回店埠
駐紮以圖後舉惟西安馬隊帶兵官伊昌阿珂
登額遽行逃去經革司力阻不肯少留現在不
知何往等語十九日辰刻於水西門城上遙見

紅藍旗幟知係鎮臣音德布援兵來自六安臣
當派都司馬良勳統帶兵勇縋城接應旋與該
匪接仗斃賊七十餘名二十二十二等
日該逆不時分攻各門均經我兵擊退三日約
斃賊一百餘名查此次豫防地道經程智泉督
率廣勇奮力直前於城外紮立營盤爭奇奪隘
轉危爲安實屬奮勇可嘉所有尤爲出力各弁

額懇

恩施以示鼓勵壽春鎮臣玉山督兵赴援捐軀殉難情
尤可憫應請

旨交部從優議卹其西安帶兵官伊昌阿珂登額二員
於潰散之後經已革臬司張印塘力阻不肯少
留應請

旨將二員交部治罪奏入

論內閣曰逆匪肆擾廬郡現已連次被創正當乘勢
攻剿著江忠源激勵兵勇併力截擊以期迅殄賊氛
所有出力之守備程智泉著賞給都司銜並賞戴花
翎勇目吳濟美黃正吉均著以千總遇缺卽補謝賢
達著賞戴藍翎馮富著以把總補用並賞戴藍翎程
步龍陳松均著以把總補用李釗著以外委卽補嚴
國英楊德新梁榮盧鵬超陳月明韋雄德均著賞戴

藍翎章貴著以外委補用已革壽春鎮總兵玉山督
兵接仗身受多傷殞命從優著照總兵陣亡例賜卹
西安帶兵官伊昌阿珂登額當玉山陣亡後遽行逃
去經張印塘阻止不肯少留現在尙無下落實屬可
惡著江忠源查明該二員逃避情形卽行正法

初五日乙亥吳文鎔奏言臣查賊船聚集巴河不

下千隻我處船礮未齊水路未能追剿因於防

城兵勇內分撥一千五百名飭令前任高州鎮
總兵楊昌泗統帶渡江偵明賊蹤所在相機剿
殺旋又探聞賊匪將巴河大隊船隻駛至黃州
城下停泊於黃州城外築土城砌礮臺欲於江
面搭橋直抵南岸武昌縣屬之樊口地方儻由
樊口登岸即可抄至省城東面後路臣正擬酌
分兵勇在南岸要隘堵截令北岸兵勇相機攻

擊詎楊昌泗忽帶兵勇旋省據云黃州側近港
汊內並無一賊而賊之駛聚黃州省垣業已探
知該總兵行營相距數十里何以一無聞見恐
係探知有賊避而旋省難資倚任適主事楊熙
帶勇來楚協勦先一日行抵鄂垣詢知伊所帶
之勇雖僅五百名實皆精銳臣趕於防城兵勇
內酌撥一千五百名合之川勇五百名卽令楊

熙統帶渡江馳赴黃州一帶相機進剿又撥兵一千五百名於南岸要隘紮營堵截抄襲省城東面之賊惟楚省現在兵勇數雖及萬而城垣周圍二十里城上城外防兵勢難多撤南北兩岸僅撥去三千餘名兵力不厚祇能設法伺擊仍須俟船廠齊備另募水勇多名水陸並進庶可痛剿再楊昌泗本係革職之人留之軍營效

力現在仍不奮勇圖報若僅予革職飭令回籍
轉得遂其自逸之私應請

旨發往軍臺以示懲儆

吳文鎔又奏言臣於九月十五日接印十六日
撫臣崇綸卽至臣署告云現在城內居民遷避
一空勢難堅守不如紮營城外尙可一戰等語
臣心不以爲然惟臣甫到兩日一切情形未悉

安敢膠執已見遂定稿入奏當時臣曾對衆人云如十日半月後援兵四集可以制勝自可出城紮營儻三五日內援兵未集而賊船已至仍是閉城堅守不得以既有此奏遂棄城不顧也詎十八日丑刻賊船離城不過三十里臣趕請撫臣及文武各員來署商量守城之計乃遲至天明並無一人至者臣卽騎馬馳往撫署中途

聞撫臣及文武行卽出城紮營臣聞之心膽俱裂卽趨至撫署告以此時惟有閉城堅守斷無出城紮營之理撫臣猶曉曉爭辯謂守此空城何用指臣爲祇知博取死節美名不顧屢喪大臣有傷

國體臣始恍然於撫臣之必欲出城紮營者意將乘機逃避藉口於本在城外可免失陷城池之

罪耳臣當云此時惟有城存與存城亡與亡如
敢有異議者臣先手刃此人衆議始息撫臣亦
無可如何始定登陴堅守之計撫臣雖駐守城
上遇事均與臣齟齬卽如荊州將軍台湧旣撤
兵回營荊州亦關緊要撫臣必欲調之來省臣
再三阻之撫臣遂不與臣謀徑發咨函促台湧
來省並捏稱已調綠營精兵七八千人向巴河

勦賊以影響全無之事形之公牘視軍務爲兒
戲臣實不勝悚懼又如現在賊聚黃州自應酌
撥兵勇由陸路偵蹤伺勦水路則船礮未齊水
勇未集祇可姑待再舉而撫臣必欲此時居民
船數百號撥兵五六千水陸並進並未思及現
在防城之兵旣勻不出五六千人而民船舵工
水手一聞與賊打仗均必紛紛退避臨時必至

誤事臣再三勸阻大拂其意以致現在應辦應
奏之事撫臣不肯列銜當茲賊寇在境臣方虛
衷息氣事事期與共濟其不可行不能行之事
臣斷不敢違心苟同而撫臣堅僻自是一城之
中彼此各辦各事設有貽誤咎將誰執輾轉愁
思不敢不據實直陳於

君父之前至臣才識迂疏軍旅之事更所未嫻何敢自

以爲是謂所行克當惟有仰懇

天恩將臣立賜罷斥另

簡重臣來楚或先令撫臣兼攝督篆以期事歸畫一任
有責成不致貽誤封疆奏入

上命軍機大臣傳諭吳文鎔崇綸曰前據崇綸奏稱吳
文鎔祇知閉城坐守等語當經嚴飭吳文鎔崇綸務
須同心合力迅圖勦辦茲復據吳文鎔瀝陳崇綸與

該督齟齬各情形均係負氣爭辯並請立賜罷斥尤屬膽大妄言該督撫均係朕特簡大員試思時勢何等急迫乃敢各執己見置國事於不問殊堪痛恨值此軍情緊急若再不以防勦爲重國法豈能倖逃著吳文鎔仍遵前旨迅速統帶官兵出省迎勦崇綸仍著專辦省城內外防守事宜儻因布置未周堵禦不力致有疏虞惟崇綸是問若進勦有誤機宜惟吳文

鎔是問決不寬宥

上又命軍機大臣傳諭台湧官文貴陞曰前曾諭令吳文鎔出省勦辦黃州一帶賊匪本日復催令前進並命青麐前赴武昌省城現在德安一帶並無大員駐守著台湧卽刻兼程馳往德安接辦防堵事宜以便青麐起程赴省德安等處近鄰河南江面賊船尙未掃除淨盡該逆詭計多端必須刻刻防其北竄該將

軍兼署提督所有江北水陸各路均著督率地方文武認真嚴防其上游荆襄各屬並應嚴密堵禦隨時稽查毋令賊蹤闖入荊州駐防官兵卽著官文貴陞統帶防守

上又命軍機大臣傳諭青慶曰現在賊匪竄擾黃州一帶已命吳文鎔帶兵出省剿辦武昌重地防守緊要本日有旨令台湧兼程馳赴德安接辦防剿事務青

廖俟台湧到德安接辦後卽著趕赴武昌籌辦防堵事宜

上諭內閣曰已革高州鎮總兵楊昌泗經該督飭令統帶兵勇跟蹤剿賊乃敢擅行回省且以並無賊匪飾詞巧避殊出情理之外楊昌泗著卽發往軍臺效力贖罪至按察使唐樹義前由黃州退回省城吳文鎔何以不行奏參重文輕武此等惡習最堪痛恨唐樹

義著卽革職暫留本任仍責令帶兵勦賊以觀後效
同日向榮奏言臣前設計解散賊黨潛通內應
茲陸續逃出者數萬並據城內密報約有三千
餘人俟期內外夾擊臣一面將攻城器具準備
齊全一俟大礮擡上礮架對城轟放卽行全力
合剿現與彭玉雯等彼此會商已定期祭旗犒
賞誓同勦力一鼓登陴惟江面空虛究難放心

日盼兵增船備以資攻剿又接余萬清來文鎮江逆賊屢圖下竄經官軍大挫其鋒上月初十等日督兵進剿頗有斬獲十七日五更督水陸各軍進攻該逆抵死抗拒嗣於東門擁出二千餘人余萬清等督湖南兵迎頭衝殺該逆靠城木寨內又出數百餘人經廣東貴州官兵衝擊該逆潰散我軍愈加奮勇破其靠城木寨西門

復出四百餘人意圖抄擊經潮勇截勦並搶進
西門外賊在甄城燒燬賊巢三十餘間維時水
軍師艇連檣駛至適見南岸賊船多隻揚帆徑
渡北岸師艇開礮擊沈湖廣大船數隻小船十
餘隻賊卽退回北固山下隄前是日共斃賊三
百餘名現仍相機攻勦奏入

上諭曰朕看未必盡實不過因攻打情形多日未奏藉

此數衍然搏穴擊虛亦是善法第恐徒勞無功向榮
嗣後或勝或敗必將實在情節敘出朕雖未曾與汝
謀面汝之肺腑朕已早見料汝亦斷不敢視朕如賓
尙阿一派壽張了事也

上命軍機大臣傳諭向榮曰向榮自抵金陵以來實在
與賊接仗僅止鍾山七橋礮兩次嗣後疊次奏報非
言攻城之難卽鋪張進攻之法究竟數月以來從未

見一眞實勝仗近來所奏事事敷衍如賊竄高淳則鋪敘德安勝仗賊自鎮江出撲則鋪敘余萬清勝仗而於金陵賊巢絕不設法進攻但稱鑄造大礮張射告示欲以虛聲制勝試思逆賊負隅堅守如此猖獗豈虛聲所能制勝現在瓜州儀徵大股逆匪分撲揚州將揚城之賊全數引出沿江賊船絡繹廬州被賊圍撲勢亦危急如果向榮能急攻金陵傾賊巢穴該

逆豈能四出滋擾向榮前次所奏城內廣西真賊不
過千餘湖南死黨亦不過五六千人豈亦欲效琦善
之聽賊自竄收復空城然後自請治罪耶以現在情
形而論揚城之賊久則必竄金陵之賊斷無自竄之
理向榮株守紫金山自謂東南屏蔽不知果能奮力
進攻賊必懼而返顧不但南不能竄蘇常北亦何能
肆擾此人人共知之理向榮豈不知之向榮接奉此

旨若再不迅速進攻仍前遷延觀望國法具在斷不能以東南暫保無事遂從寬宥也

初六日丙子楊以增奏言探聞揚城現已收復該

處賊衆逃往瓜州儀徵賊營各處奔竄連日接六合縣稟報該縣水陸地方均有大夥逆匪欲將北竄危急萬分並准琦善以蔣壩最關緊要兵力太單咨商添兵臣念揚城已復高寶一帶

情形較前稍緩自應先其所急令前清臣李湘
棻帶領萊州營兵四百餘名趕駐蔣壩以壯聲
威奏入報